

TARIKH	AHAD, 4 JUN 2023
AKHBAR	UTUSAN MALAYSIA
TAJUK ARTIKEL	FOKUS BUKU HIJAU DI BANDAR
M/S	37
BIDANG	AGRICULTURE
KATA KUNCI	AGRICULTURE

Fokus Buku Hijau di bandar

Oleh SITI ATHIRAH DZULKIFLY
utusannews@mediamulia.com.my

KUALA LUMPUR: Menghidupkan semula *Rancangan Buku Hijau* sebagaimana yang pernah dilaksanakan pada tahun 1974 dalam usaha melipat gandakan lagi pengeluaran bahan-bahan makanan negara wajar difokuskan di kawasan bandar.

Bercakap kepada *Mingguan Malaysia*, Pakar Sekuriti Makanan Negara Universiti Putra Malaysia (UPM), Profesor Datuk Dr. Abdul Shukor Juraimi berkata, ini boleh dilakukan dengan meningkatkan projek-projek pertanian bandar yang diusahakan oleh persatuan penduduk atau komuniti dan orang perseorangan di Lembah Klang ketika ini.

Katanya, pelbagai agensi seperti Jabatan Pertanian, Majlis Daerah dan juga universiti terutama UPM boleh dilibatkan sama bagi memudahkan usaha itu dan meningkatkan hasil pengeluaran.

“Bagaimanapun, program



Di samping itu, lebih hasil tanaman dapat dijual dan mendatangkan wang tambahan kepada mereka.”

PROFESOR DATUK DR ABDUL SHUKOR

masih belum menyeluruh dan perlu dipergiatkan dan disebarluaskan lagi. Program seperti ini dapat membantu peserta atau pengusaha mengurangkan kos pembelian barang dapur seperti sayur-sayuran.

“Di samping itu, lebih hasil tanaman dapat dijual dan mendatangkan wang tambahan kepada mereka. Selain itu dengan bertani juga dapat mengeluarkan peluh sebagai satu cara menjaga kesihatan di samping

menjalinkan silaturahim untuk projek-projek pertanian komuniti yang diusahakan bersama-sama antara ahli,” katanya.

Beliau berkata demikian ketika dihubungi bagi mengulas kenyataan Bekas Yang Dipertua Dewan Negara, Tan Sri Dr. Rais Yatim mengenai *Rancangan Buku Hijau* perlu dihidupkan kembali untuk mencetus semangat rakyat menanam sayur-sayuran, waima dalam pasu sekali gus menangani cabaran isu sekuriti makanan.

Selain itu, menurut Abdul Shukor, bagi penduduk di kawasan bandar, program *Rancangan Buku Hijau* itu boleh dilakukan secara kecil-kecilan dengan melakukan tanaman dalam pasu.

“Secara sederhana besar dengan penggunaan teknologi seperti sistem hidroponik, fertigasi dan sebagainya mengikut kemampuan dan keluasan kawasan yang ada. Ruang-ruang sempit seperti di balkoni rumah pangsapuri atau ruang-ruang kosong antara bangunan rumah

juga boleh dimanfaatkan untuk tujuan tersebut.

“Diharapkan agensi-agensi terlibat dapat menggalakkan dan mempromosi program ini di samping pemberian peruntukan permulaan untuk projek-projek komuniti terutama berkaitan alatan dan input seperti baja dan benih yang agak mahal ketika ini,” katanya.

Sementara itu, perkara ini turut disokong oleh Prof. Datin Dr Fatimah Mohamed Arshad dari Institut Kajian Dasar Pertanian & Makanan UPM yang melihat banyak manfaat dapat diperolehi daripada pelaksanaan program buku hijau.

Antaranya, katanya, penduduk yang kurang berkemampuan dapat mengurangkan perbelanjaan untuk membeli sayur-sayuran jika dapat menanam sendiri di kawasan rumah.

“Faedah lain juga jika menanam secara organik adalah ia dapat menghasilkan sayur yang bebas dari penggunaan racun dan sayur itu juga mempunyai nutrisi yang tinggi.

DISEDIAKAN
OLEH

PN NOR SURIANI BINTI MOHD ZIN (S44), BPM